

INUIT ATAQATIGIIT

Inatsisartuni



25. juli 2018

Inatsisartut suleriaasianni § 37, imm. 1 naapertorlugu apeqqutit makku Naalakkersuisunut saqqummiuppakka:

Naalakkersuisunut apeqqutit:

- 1) Angallannermut kiffartuussinissamut isumaqatigiissutissat, maanna ilaasunik angallassinermut tunngasuni isumaqatigiissutaasut atorunnaarpata atuutilersussat, isumaqatiginninniutigalugit aallartinneqareerpat?**
- 2) Angallannermut kiffartuussinissamut isumaqatigiissutissani Naalakkersuisut suut toqqammavigalugillu anguniagassaraat?**
- 3) Angallannermut kiffartuussinissamut isumaqatigiissutissat tulliit maanna atuuttunit annertunerusumik innuttaasut pisariaqartitaannut naammassinninnissaat Naalakkersuisut qanoq iliorlutik qulakkeerniarpaat?**

(Inatsisartunut ilaasortaq Sara Olsvig, Inuit Ataqatigiit)

Tunngavilersuut:

Ilaasunut sullissinissamut isumaqatigiissutit maanna atuuttut 2016-imi isumaqatigiissutigineqartut, 2020-illu tungaanut atuuttussat naammaginangillat. Tamanna Inuit Ataqatigiinnit isumaqatigiissuteqartoqarniartorli erseqqissuliutigaarput, taamanikkut Aningaasaqarnermut Akileraartarnermullu ataatsimiititaliami ikinnerussuteqarluta isumaqatigiissutinut isornartorsiuinitsigut.

Piffinni sullissinissamik isumaqatigiissutit atuuffiini innuttaasut atugarisaasa ajornerulersimanagerat qitiuvoq. Taamanikkut Naalakkersuisuusut taamaattoqannginnissaa 2016-imi neriorsuutigaat. Kingornalu Naalakkersuisut nikerartut pissutsit aaqqinniartaraluarpaat, taamaattorli annertuunik pitsanngorasaasoqarnani.

Illoqarfinnut nunaqarfinnullu ilaasunik angallassineq inuiaqatigiit ataatsimoortinnerannut pingaaruteqarpoq. Suliffeqarnermi noorarnerunissaq sorsuutigaarput, taamaattorli ilaasunut atugassarititat assigiinngilluinnartuupput. Nuna tamakkerlugu inuussutissarsiutinik siuarsaaneq sorsuutigaarput, assartuinernulli tunngatillugu aporfilersuivugut. Innuttaasut piffinnit piffinnut ingerlasinnaanissaat, unamminerni kulturikkullu aaqqissuussinerni peqataasarnissaat kiisalu nuna akimorlugu ilaqquttamik nalliuttorsioartarneranni peqataasarnissaat kissaatigaarput, nunalli

immikkoortuani angisuumi angalanerit sussaangilluinnarnerat soqtiginatigu. Tamannalu pitsaangilluinnarpoq.

Taamaammallu Inuit Ataqatigiinnit Naalakkersuisut sullissinissamik isumaqatigiissutissani, maanna atuuttut atorunnaarpata atuutilersussani, pissutsinik tamakkuninnga aaqqiinissaat naatsorsuuteqarfigiluinnarpavut. Taamanikkut ujartukkatsit Naalakkersuisut massakut suliassartik aallartiaarsimassagaat, Inatsisartunillu akuliutsitsillutik isumaqatigiissutigineqartussat innuttaasunut iluaqutaanissaannik qulakkeerisuunissaat naatsorsuutigaarput.

Mittarfiliortiternissat pissutsigalugit angallannermi pissutsit nalorninarartoqarnerat innersuussutigalugu akissut akuersaarusunnginnatsigu siumoortumik oqaatigeriissavarput. Piffissami kingullerpaarpaami sullissinissamik isumaqatigiissutinik innuttaasut utaqqisinneqartariaqanngillat.

Ullut suliffiit qulit ingerlaneranni akineqarnissara kissaatigaara.